

## Wien, Österreichische Nationalbibliothek (ÖNB), Cod. 1928

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

3088

## C O D I C E S

3084

## DCCCLV.

## DCCCLVI.

755 Codex membraneus lat. Sec. XV. Folior. 108. 8. charactere sat luculento nigro rubroque scriptus hunc titulum praefert: *In nomine san&e et indiuidue trinitatis incipit breuiarium ordinis hospitalis ierosolimitani.* Initium ducitur a sabbato in aduentu domini ad uesperas. Per totum decursum Dicenda primis duntaxat vocibus indicantur, plurimisque Rubricis interspersa sunt; adnotantur etiam *Missae*. Fol. 78. p. 2. post Festum SS. VII. *Fratum* die 10. *Julii* ponitur Officium in liberazione *sande ciuitatis ierusalem*, ubi ad marginem inferiorem alia manu sequens *Invitatorium* adscriptum est: *Filie syon currite adiunct enim celebria matris uestre sollempnia iubilemus igitur deo nostro unanimes qui sibi eam gratuita elegit clementia.* Item *Oratio*. *Omnipotens sempiterne deus edificator et custos ierusalem ciuitatis superne custodi locum istum cum habitatoribus suis ut sit in eo domicilium incolunitatis et pacis*. P. D. Hoc Officium sequens excipit Rubrica: *Eodem die dedicatio dominici sepulcbri. quam sollempniter celebramus.* Et nihil amplius, sed statim: *Sande Praxedis uirg. &c.* Ad calcem: *Explicit breuiarium ordinis sandi iohannis baptiste.* Adhaeret tamen *Collectarium* fine multum.

Codex membraneus lat. quem <sup>729</sup> e characterum forma facile vetustiorem credas, sed Sec. XV. Folior. 490. 4. nitidissime perscriptus, et literis initiorum picturatis deauratisque speciosus Officium divinae Psalmodiae, vulgo *Breviarium* exhibit, in quo praemissa de ordinando Tempore ecclesiastico, ut solet, institutione sequitur *Calendarium*. Comparet in eo mense Febr. *Translatio sandi Augustini*, Apr. *Translatio sande Monice*, Majo *Conuersio beatissimi patris nostri Augustini*, et *Sande Monice*, Aug. *Sandi Augustini* cum Octava, Sept. *Sandi Nicbolay de tollentino*. Praeterea fol. 386. Horis de S. *Augustino* inscriptum est: *In solemnitate beatissimi patris nostri Augustini*, atque haec omnia minio. In usum itaque Ordinis *Augustiniani* scriptum est istud *Breviarium*, et en tibi fol. 89. eleganter florido et deaurato depictam habitu hujus Ordinis effigiem *Librariae*, quae ductus Literarum vetustiores scite imitata celebrioribus Mulieribus καλλιγραφοις accenserit potest. Circumfluit illam *Fasciola* inscripta: *Ancilla Ybesu Christi Maria Ormani Filia Scripsit M°. CCC.* L. III. quem annum in calce Codicis repetitum male feriatus quispiam corrupit, ut mox dicitur. Parthenonem quandam *Italiae* incoluisse *Mariam nostram* liquet e ratione scribendi mensem *Majum*, quis semper *Madius* (Maggio) audit, atque Parthenonem illum